

籌辦夷務始末

籌辦夷務始末卷之五十八

道光二十二年壬寅七月辛亥。

欽差大臣耆蔭署乍浦副都統伊里布奏。六月二十七日。鄂伊里布。拆回無錫。與鄂耆蔭正在籌商。通外委陳志剛持回。前日囑囁。噎回信。內稱如貴大臣果奉

大皇帝畀以全權。即照我所討。自主善定。望即明白指示。本公使方能咨會統領等戰兵。俾得兩相派員。先行詳議等語。鄂等以該夷終欲有全權名目。方可會議。實屬挾詐。當公同熟商。不得不權宜遠覆。是以照會內以

欽差大臣即與全權無異。事可專主。無須猶豫等因。復令陳志剛

即行送往。查丹陽逼近京口。而陸路兩站直達江甯。該首
目如在京口。即可將就籌議。如已西駛。亦可趕赴江甯。善
定大局。伏思前之羈縻。不過緩兵之計。事已至此。李等惟
有勉力從權。籌商妥辦。不但不敢慮及掣肘。亦不敢念及
身家。委曲完全。但期於事有濟。上可以顧持。

團體下亦不致有拂美情。除俟陳志剛齋有回信。再行斟酌
辦理。今李等由無錫前赴丹陽。雖常州現有防兵四百五
十名。究屬聲勢不能聯絡。況無錫路通江陰。地方緊要。必
應揀派官兵以資防守。當飛咨撫臣程潛。派防以
昭慎重。

耆英等又奏竊惟逆跋方張狡馬思逞非仁義恩德所能喻必須捷伐以彰

天討。若拘泥現在商辦不豫為籌備轉恐有誤事機。今逆船從鎮江西馳漸至浦口儀徵。由此而上恐潛入安徽當塗和州地界。若從上游安徽之安慶江西之九江湖北之武昌漢陽各集重兵。多攜槍礮火攻器具。順流壓下。逆夷勢必不支。兼之長江南北兩岸官兵併力攻擊。縱使不能大獲全捷。而京瓜二口定可疏通。既有裨回空糧艘。尤有濟來年新運。南北路通。淮揚之鹽梟莠民。易於查察安戢。惟火攻器具必須安於靈便木筏之上。以期有濟。相應請

旨飭令江西安徽湖北撫臣不動聲色。慎密妥速製造。務期多多益善。儻會議之事不能善定。其火攻之舉。亟應飛咨上游省分。約定日期。將火具木筏順流放下。源源不斷。諒該逆亦無從施其伎倆。彼時定必竄出福山。應請由揚威將軍豫令鄭鼎臣在於江海匯流處所。隱藏火攻船隻。攔截痛剿。以快人心。

諭軍機大臣等。著英等奏逆夷披猖情形。覽奏憤恨之至。前有旨諭知該大臣等妥籌商辦。並許便宜從事。現據奏稱已由無錫前赴丹陽。如該苗業已西駛。即可趕赴江甯。善定大局等語。兩載以來。沿海生民。突遭蹂躪。朕心實有所不忍。與其兵連禍結。

何如息事安民。是以曼經密諭該大臣等。設法羈縻以全民命。此朕萬不得已之苦衷。諒該大臣等必能善體朕意。期於有成。著即遵照前旨。妥為籌辦。不必他有顧慮也。另片奏逆談方張。豫為籌備。此亦不得不然之事。現已由六百里加緊諭知安徽江西湖北各省。趕備兵勇。密造船筏。聽候該大臣等調遣。並諭知奕經將所帶官兵。先由王江涇不動聲色。前赴常州一帶。聯絡聲勢。該大臣惟當妥密布置。毋令逆夷藉口。奕經仍駐王江涇。聽候者英消息。妥商防勦事宜。其所請密派鄭鼎臣等於江海匯流處所。相機攔截一節。亦已諭知奕經照辦。仍著者英詳細飛咨。萬勿遲誤。僅陳志剛回報。該酋已就範圍。即著善議安。

辦如說請披猖該大臣等度非情理所能喻即一面奏聞一面
飛咨江西安徽湖北等省各集重兵整備船筏火攻礮械順流
壓下並迅即知照奕經馳赴江蘇會同勦辦再前有旨令潮州
鎮總兵李廷鈺迅赴江蘇交耆英差委建昌鎮總兵桂明迅赴
安徽隨同程楸采辦理防堵著即飛咨李廷鈺速行來蘇酌量
何處緊要即相機調遣耆英務即斟酌萬全妥慎辦理

又

諭前有旨諭令奕經帶領得力將弁兵勇駐紮王江涇聽候耆英
消息本日據耆英等奏現在逆蹤方張必須豫為籌備常州雖
有防兵四百五十名聲勢究不能聯絡無錫路通江陰地方緊

要○必○應○揀○派○官○兵○俾○資○防○守○等○語○著○奕○經○即○將○所○派○將○弁○兵○勇○不○動○聲○色○密○行○移○至○常○州○一○帶○妥○為○安○置○該○將○軍○仍○駐○紮○王○江○涇○聽○候○耆○英○消○息○一○經○接○到○耆○英○咨○會○即○飛○速○管○帶○前○往○相○機○防○剿○再○該○夷○在○江○肆○擾○聯○踪○西○駛○本○日○已○飭○湖○北○江○西○安○徽○各○督○撫○密○備○船○筏○豫○為○將○來○順○流○下○壓○縱○火○焚○燒○之○計○如○該○逆○復○由○福○山○竄○出○著○即○密○令○鄭○鼎○臣○等○在○於○江○海○匯○流○處○所○隱○藏○火○攻○船○隻○攔○截○痛○剿○該○將○軍○務○當○先○事○豫○籌○嚴○密○妥○辦○毋○稍○張○皇○亦○無○誤○機○宜○是○為○至○要○如○能○堵○剿○成○功○豈○非○奕○經○之○懋○績○與○

又

諭○本○日○據○耆○英○奏○逆○船○西○駛○漸○至○浦○口○儀○徵○等○語○現○在○逆○賊○方○張○

儻竟沂流而上。深恐擾及沿江各省。因思江面究非海洋可比。若從安徽之安慶。江西之九江。湖北之武昌。漢陽。各集重兵。多備船隻。槍礮。及火攻器具。順流壓下。則逆在下風。其勢易於焚擊。著安徽。江西。湖北。各督撫。接奉此旨。即迅就該處情形。酌量或備船隻。或用木筏。及一切火攻器具。派委得力文武員弁。統領兵勇。隨時確探逆夷蹤跡。一經接到者。英咨會。即行順流放下。層層接應。多備槍礮。合力攻勦。並飭令互相援應。毋分彼此。不但自固藩籬。即鄰境亦藉資保衛。儻逆夷得受大創。不致天塹有阻梗之虞。該督撫等之功甚偉也。勉之慎之。

壬子。參贊大臣齊慎奏。等前因該逆夷心存叵測。恐鎮江

府城久為所據。勢必由陸路內犯丹陽。以至蘇州一帶。須先設法懲創。而賊眾兵單。白晝明攻。實難制勝。惟有黃夜摸樁。或可得手。適有隨營。即選從九品郭藩。會同即選縣丞齊在銘。甘肅藍翎把總程譜。四川藍翎把總黃大勝。藍翎外委袁玉春。六品軍功楊得勝等。面稟願帶精兵前往。當即密授機宜。編聯暗號。飭令帶領自告奮勇之精兵三百名。改裝本地民人。挑賣菜蔬食物。內藏短刀。混入鎮江府城。隨時相機行事。二十八日。據其回稟。探知逆夷等均。在府署左近。間斷居住。我兵分伏逆夷寓屋側近。以及要路僻巷。二十七夜三更後。該員等聞府署中尚有逆夷盤

路因囑各兵銜枚前去。暗襲潛殺。逆夷驚覺喊叫。忽有騎馬夷目數名。帶領多人。從府署內馳出。我兵驀地突出亂砍。郭藩復囑兵丁。紛拋磚石。擊斃馳馬夷目一名。弁兵等早在各逆夷寓屋門傍。以及要路僻巷。暗中埋伏。逆夷竄出者。我兵或兩傍砍殺。或突出截擊。大腿逆夷。擁出正街。適亨交有前任兩湖督臣周天爵。送給禦敵散藥。迎面撒去。賊眼登時昏迷。紛奔亂竄。多致碰跌倒地。兵丁刀砍棒擊。傷斃逆夷不計其數。後有騎馬夷目。開放大礮火箭。搶出城外。兵丁多有帶傷。追殺不及。該員弁等因恐天明為賊窺竄。被圍乘勢出城。偵探逆夷次日在甘露寺前較場。

點人連前次十四日打仗共打斃夷人八百餘名復據百姓稟報均同又據差採回稟二十八九等日郡城內外間有鬼子結隊遊巡江中夷船於二十八日卯刻開有二十九隻均往西南而去後有十六隻未動午後復有夷船六隻從西南折回二十九日京口夷船現有二十二隻等語
鄂復查該逆夷等據守鎮江府城以來搶掠財物奸淫婦女天怒人憤莫可如何該員弁兵丁等晝夜摸檣將其擊殺多名稍快人意鄂惟有再行激勵將士設法襲殺以期

仰報

鴻慈於萬一但鄂據代理太倉州之寶山縣知縣張元揆等來稟

二十日吳淞口停泊夷船上。有黑鬼五、六人登岸。丈量小沙背。迤北至顧隆墩一帶海塘。並說向有大船多隻。在定海開行。不日到口。先往鎮江、南京。後到天津。居民不必驚恐等語。該逆夷犬羊成性。說謊異常。伏祈

敕下防守天津等處各帶兵大臣。早為防範。籌備水陸勦擊。庶免逆夷再肆鴟張。再現值用人喫緊之際。所有此次黃夜摸樁出力員弁兵丁。似應隨時鼓勵。以收得人之效。可否容
摺查明。與前次

恩准保奏京口連日接仗出力之滿洲綠營弁兵。一併確實保奏。

出自

聖主逾格

鴻施

諭軍機大臣等。齊慎奏黃夜摸樁擊殺逆夷多名一摺。據奏六月
二十七日。夜隨營從九品郭藩。會同縣丞齊在銘等。帶領精兵
潛入鎮江府城。分伏暗襲。擊斃騎馬夷目一名。刀砍棒擊。傷斃
逆夷不計其數。偵探逆夷較場點人。連前打斃八百餘名等語。
覽奏欣悅。可嘉之至。此次出力員弁兵丁。准其查明保奏。候朕
施恩。其帶傷兵丁。查明撫卹。現京口夷船。尚有二十二隻。如有
可乘之機。仍著隨時妥辦。其代理寶山縣張元揆所稟黑鬼五
六人登岸。丈量小沙背。迤北至顧隆墩一帶海塘。意欲何為。至

該逆所稱定海開行之船。先往鎮江南京。後到天津等語。係向何人說及內地民人。又何以能通夷語。均著寶山縣確切詢明。附便具奏。至此次江中夷船。是否即係該夷海中駕駛之船。寬廣約若干丈。裝載兵礮若干。隨時採報具奏。

癸丑。江南河道總督麟慶奏。竊臣前將籌防情形具奏後。即飭淮揚道恩齡。馳往高郵督防。一面選派幹弁。改裝赴沿江一帶偵探。昨弁回據稟行至瓜洲江邊。見大小口外。停泊三桅船二隻。儀徵沙漫洲。禮祀洲。老河影各泊火輪船一隻。江面有夷船遊奕。其三桅大船。桅上懸礮。口斜向下。船艙三層。其上層列有礮眼。火輪船之輪。安在中艙偏

後兩傍船首列礮三。船尾列礮二。桅上無礮。靠水船幫列有礮眼。並見三輪船一隻。其一輪在前。行駛如飛。又據守備安振業稟稱。奉飭登高明寺塔極頂。詳細瞭望。當即會同署江防同知雷體乾。於二十五日登塔。望見金焦兩山上下。共泊大小夾船六十餘隻。瓜洲口及儀徵洲上。各有大船三隻。並見有火輪船。靠大江南岸駛向下行。又據江都縣知縣彭以竺稟稱。瓜洲口內三汊河地方。共有三口。前經釘椿沈船。尚難堵遏。復覓大樹連根帶枝。繫以鐵錨。沈入水底。足資攔禦。而水仍流通。其三江口內。亦經做辦。至早路要隘。均挖陷坑。並安地雷。督同兵勇。擇要設伏。以

備夷匪登岸。即引火燒擊等語。至揚州府城。當逆夷入江之時。居民大半遷徙。店舖全行閉歇。食用交匱。經運司但明倫。知府晏曙東。知縣彭以筭。盧元良等。親自逐戶勸諭。發動義倉平糶。並設太平局。籌辦防堵事宜。保赤堂收養貧民。委運判鄭士彥。經歷武祖德。知事安樹森等。經理紳士。顏崇禮。黃錫慶。魏廷楡。江壽民等。分董其事。又曾於春間。派知事玉英。秀團練壯勇三百名。茲又新募七百五十名。署知縣彭以筭。自練鄉勇五百名。協同存城弁兵。及河漕二標派往之兵。分駐城廂。晝夜巡防。維時梟匪散在四鄉。乘遺徒肆劫。亦經該府縣盡法懲治。閭閻賴以稍安。至

三江口直通內河各要隘。已移調淮安營參將景譽帶兵守霍家橋等處。又狼山鎮總兵順保派令泰州營遊擊唐音保帶兵駐仙女廟防範均已周密。其儀徵縣城濱臨大江為商運捆鹽之地。即為梟匪叢集之區。匪類有二。在陸曰回畚。在水曰巴桿老。向因爭私互鬪。茲於六月十一日夜。又相仇殺。回畚縱火燒燬鹽船。巴桿老亦放火焚燒沿江梟匪房屋。逆夷見而驚疑。連開大礮。火光燭天。城內居民望而大亂。知縣陳文杰。署遊擊尚永森。因變起黑夜。晏城固守。幸署淮南監掣同知陳廷恩。於未奉札之先。先已團練鄉勇一千八百名。藉壯聲威。並親自巡行勸諭。率同

委員湯翁嗣紳士陳書玉張鴻瑞等分投撫慰民心始定。逆船於十二日駛到。因知有備。至今半月有餘。條泊條開。未敢登岸。嗣訪得各集匪鬪散後。無處存身。已禡老漸皆就募。回畝多往六合一帶。御間搶掠。並有竄入洪澤湖之誣。臣已派署洪湖營千總劉步魁駐守禮河。絕其來路。又聞清江浦黃河以北。亦有土匪聚眾。欲圖滋事。現派武舉鄭通等分投躡探。如有實跡。即當派員帶兵會同各地方官兜擊嚴辦。以杜滋蔓。現在清江因下游居民遣徙人眾。米糧騰貴。以致民情惶惶。宵小竊發。臣已捐資委員馳赴湖西購米運浦。以平市價。各米店聞風。價亦漸減。地方安

定。惟查夷匪在江遊奕，勢必勾結漢奸，探聽虛實。查擊為第一要務，特恐書差藉端滋擾。查前准督臣咨稱：真正漢奸髮辮翦齊，臂刺蟲形或蝴蝶形，身帶夷字小腰牌為據。且已刷印賞格，徧貼通衢，曉諭軍民僧俗人等，隨地扭獲，來報請賞。一面揀委妥員，留心嚴緝，並咨准關監督臣松桂一體密拏。查該閩客貨船隻久不流通，南來各船半載家眷，誠恐夾帶違禁軍器火藥，亦囑隨時稽查。茲據該監督覆稱：現於關口用纜船攔截，每日酌開數次，以便行旅。又准江蘇軍需局呈報：訪聞吳淞口外逆夷新造一物，狀似棺木，中裝火礮，情形詭譎。亦咨該監督遇有棺木，並須

詳詢來歷。僮無確據。即飭暫厝曠地。不准過關。以嚴防範。
茲蒙

天恩。飭調山東河南兵丁。並派南陽鎮臣都勒豐阿前來。臣已札
商但明倫酌定口岸。俟到後分撥扼要防堵。

麟慶又奏。再臣前調團練河兵。為彈壓梟匪之用。刻已到
齊。飭交標營副將秦攀芩統領。查有漕標建陽衛守備李
國英。技藝出眾。鎮標蕭營都司朱得志。管轄嚴肅。業經咨

調派令管帶勤加練習。又據催漕來工之投効東河通判

王思燾。告假回徐之分發湖南候補布政司理問秦廣鑄
各帶壯丁四十名。呈請自備資斧。隨營効力。所募壯丁均

確有身家情甘出具保結俟夷逆平定各自解散等語。隨委道考驗丁壯技藝且有撞槍三十餘桿尤為得力。臣查該紳士等慕義急公實因世受

國恩同深感激當即批獎留用理合附片陳明

諭軍機大臣等麟慶奏儀徵揚州漸俱安定現仍加緊防堵一摺據奏瓜洲江邊停泊三桅夷船二隻儀徵沙漫洲禮祀洲老河影各泊火輪船一隻其金焦兩山上下共泊夷船六十餘隻瓜洲口及儀徵洲上各有大船三隻現已設法將水路攔截並於旱路要隘窰坑設伏並發倉平糶慰諭居民地方漸已安定等語所辦甚好所有圍練壯勇之知事王英秀知縣彭以竺著監

擊同知陳延恩等。各團練壯勇。或數百名。或千餘名。協同守城。或率同委員紳士。撫慰居民。均屬出力可嘉。另片奏催漕來工之投效。東河通判王恩燾。告假回徐之分發。湖南候補布政司理問秦廣鑄。自備資斧。隨營效力。所帶壯丁。驗明得力。著准其留於南河差遣。如江北有警。即著麟慶量才調委。一經勦辦得手。朕必破格施恩。或逆夷偵知江北有備。不敢窺伺。而該員等捍禦有功。統俟軍務告竣後。由麟慶確切保奏。候朕施恩。並將此旨傳示該員等。以資激勸。至梟匪乘機搶掠。必須認真嚴辦。毋稍寬縱。據奏儀徵匪類。爭私互鬪。現在雖已解散。仍須加意嚴防。至黃河以北。土匪聚眾。尤應乘其未發。妥速掩捕。此時外

患未平斷不可復多內顧。著麟慶相度機宜。或及時招募。或設法解散。或先事捕獲。銷患未萌。是為至要。所奏漢奸翦髮刺臂。身帶腰牌。及棺中暗藏火礮。著飭屬隨時隨地留心訪察。惟當持以慎密。僅稍露風聲。俾逆夷知我識破。勢必改換形跡。搜捕更難著手。

掌貴州道御史韓椿奏。竊維沿河設立弁兵。非徒以防護險工。亦所以盤詰奸宄。溯查道光十二年。奸匪陳端曾竊決河隄。貽害生民。現值逆夷在鎮江滋擾。淮揚清江已欽奉

諭旨。派員防堵。自必有備無患。第思淮揚清江等處。向為鹽梟出

沒之所。儻逆夷勾結此等匪徒。暗決河隄。南則下灌淮揚。北則直衝徐宿。為害殊屬不淺。雖逆夷未必計能出此。而思患豫防之道。不可不早為之所。相應請

旨密飭南河督臣責令沿河廳汛員弁嚴飭兵役人等。晝夜巡察。不得稍有疏懈。遇有形跡可疑之人。立即拏究。尤必嚴禁兵役人等。毋許藉端擾累居民。庶可以保護河防。並可以藉資堵禦矣。

諭軍機大臣等。有人奏淮揚清江等處。向為鹽梟出沒之所。儻被逆夷勾結。暗決河隄。南則下灌淮揚。北則直衝徐宿。為害甚鉅。等語。著麟慶密飭沿河廳汛員弁。隨時留心查察。雖奸夷未必

計出於此。而豫為防範。自應加嚴。但不可使風聲稍露。轉啟奸謀也。凜之慎之。將此密諭知之。

甲寅。兩江總督牛鑑奏。竊臣於六月二十八日。將江甯防守情形。及備文曉諭該夷緣由。繕摺馳奏。正在籌辦間。詎自二十八日未刻以後。該夷三桅二桅及火輪船。陸續駛入草鞋峽。江面寄碇。計有四十餘隻。查草鞋峽係屬支江。先經臣於進口之處。安設木彈。並沈船多隻。堵截來路。該夷船尚不能駛進下關。而距儀鳳門不過數里。甚形危迫。雖該城門業經提督臣劉允孝統帶重兵駐防。槍礮林立。聲威尚壯。該夷尚未開礮攻城。而城頭究無得力大礮。可

以致遠播堅不敢謂確有把握。臣十分焦急。當復專弁具
文。連日前往夷船。明白曉諭。並告以現奉

諭旨。准與通商。已

欽派耆英。伊里布。專辦此事。諭令靜候查辦。該夷仍狐疑未決。臣
即飛咨副都統伊里布。趕緊來甯。一面另備公文。嚴加詰
責。並恭錄所奉

恩旨。給與閱看。該夷箇喉噪喧等見事屬真實。始據回文。照覆。願
請通商。雖察其情詞尚無悖謬。而數日之中。屢有反覆。且
妄事請求。其情究屬叵測。現在副都統伊里布。已於七月
初三日。馳抵省城。廣州將軍耆英。亦不日可到。會同相機

妥辦務保省垣以釋

聖慮

諭軍機大臣等本日據牛鑑奏逆夷大幫船隻駛至省垣一摺著仍遵前旨設法羈縻迅速將此事了結一切不為逞制計奉到此次諭旨者英亦已到彼務即剴切曉諭俾該夷不致疑惑藉口惟既經商議必應斬釘截鐵事事皆當著實毋得稍留罅隙將就目前及至夷船他駛又復改換帶兵頭目再肆挾制要求種種詭謀皆應慮及豫為杜絕方稱妥善如能就我範圍自可不煩兵力萬一該逆仍不受撫不得不大加撻伐奮力攻剿該大臣務當妥為籌畫相機辦理本日已由六百里加緊諭知奕

經令其督兵進駐常州一帶者英等如措辦了結即飛咨奕經令其知悉如辦理不能得手更當飛咨奕經以便帶兵速來內外合勦毋稍遲誤

又

諭前經降旨令奕經將所帶弁兵前赴常州奕經駐紮王江涇聽候者英等消息因思王江涇距江甯省城較遠奕經著即選帶將弁兵勇移駐常州一帶現在江甯危急著者英牛鑾伊里布會同辦理羈縻事宜儘該逆狡詐猖狂不肯受撫著奕經一經接到者英知照迅即統領精兵前往應援不得稍有遲延致誤事機是為至要

丁巳。江南河道總督麟慶奏。查江面夷船。現據報稱前月二十七等日。陸續駛往上游二十餘隻。內一隻四桅船。身較大。其餘仍在金魚一帶游奕。瓜洲三江口及儀徵停泊之船。均未駛行。並有三板船載礮至瓜洲口內八里鋪採水。意在窺伺揚州。尋據江都縣知縣彭以竺稟。逆夷出有定於七月初三日由三江口入運河。趨高寶。勸民遷避。偽示。臣恐係聲東擊西。隨飭各屬嚴密防守。茲已過期。並無舉動。緣逆夷多疑。見有準備。未敢深入。現在揚州三江口及三江口內河。先經堵截。其餘各港汊亦皆飭屬沈船繫樹。並飭揚糧揚河二廳。豫備碎石。如果有警。立即拋作。

品字式。俾阻夾船。而仍不礙水道。頃據淮揚道恩齡稟稱。奉 命 督 辦 運 河 工 事 臣 恩 齡 跪 奏運河東岸。緯隄平坦。恐逆夾舍舟登陸。擬在隄上擇要築作土壘。以備伏兵。已飭酌辦。至高郵四壩。原擬早啟洩水。第因壩下民田。正值收穫。是以仍得守且守。所幸仰賴。

聖主鴻福。本年湖水不大。智信二壩。現暫堅守。運河水淺。實得地。

利。茲徐州兵調到三百三十名。並淮河南撫臣咨會批兵。

六百名。即日分起前來。又南陽鎮臣都勒豐阿報於二十

六日。先行起程。其山東兵計亦不日可到。除揚州前經督撫

派出之兵。已自蘇州調回本汛外。現就各路調防兵數。約

二千名。臣與運司但明倫商酌。謹遵。

旨擬於揚州各要隘派一千二百名作為前路高郵寶應淮安清江派八百名以備後路接應互為聲援又狼山鎮臣順保於本月初六日自揚來浦臣即囑其馳回防守一俟南陽鎮臣都勒豐阿到後留兵駐防仙女廟該鎮即趕緊折回狼山緣該境所轄海門等廳營均屬沿江沿海又為通泰等處屏障且夷船退出必經之路恐其登岸滋擾必須嚴加防範當囑順保悉心籌辦扼要守禦惟各路兵丁不日到齊所有支發糧餉製備火藥軍裝器具俱應豫籌查江甯及蘇州雖各設有軍需局而相距均遠且江路梗塞不通是以趕於清江浦設立江北軍需局委署河庫道趙廷

熙總理同知王國佐周維新。經管局務。在工學習兵部員外郎陳景瀆稽重文案。其高郵揚州亦各設分局接濟。飭運司准揚道揀員經理。並派編修劉澆主事金安瀾分司稽查。以專責成。至軍器臣因准徐所屬各州縣向來獲匪。俱將所持器械貯庫。當經專弁揀取。交局修理備用。此內擡槍一項。尤為利器。現不惜重價。向民間收買。藉以消土匪之用。茲據各河廳呈請。每廳各捐備四桿。計共八十桿。又銅山縣知縣趙毓升請捐解硝二萬八千斤。現據河標右營稟獲私硝五百餘斤。中營會清河縣稟獲私硝一千二百餘斤。均飭交局收用。刻下硫磺短缺。已移咨河南撫臣

代為購運。至木筏業經紮就。以備火攻。惟思用柴薪不如柳枝。煉火省費。當發力本運腳。令各河營每營採辦五百束。計得一萬束。趕交應用。再准。

廷寄訪得侍郎杜受田所奏。生員張煥元書內。木筏火攻之議。鈔給閱看。查四川湖廣大木筏。向在江甯以上停泊。解散改小。始入內河。現在大江上游。能否如式改造。裝載引火各物。順流放下。應聽兩江督臣牛鑑。安徽巡撫臣程楙采酌辦。

麟慶又奏。臣欽奉

上諭。御史呂賢基所奏。招服鹽梟。以賊攻賊等因。欽此。並鈔摺到。臣

伏查原摺所稱為令之計。莫若招服鹽梟。以賊攻賊。欲服梟徒。必先服梟徒之首。以計招致大仗頭副仗頭等。諭以大義。誘以重利等語。誠為目前要務。查沿江梟匪。儀徵最多。臣前摺業已陳及。並聲明運司但明倫著同知陳廷恩。知縣彭以笱。已募鄉勇三千餘名。聞即係此項梟匪。現在江防揚糧二廳。及沿江五十三洲。宜陵仙女廟等大村鎮。自行團練。亦皆半用梟徒。正與該御史所奏相合。至高郵以北。距江較遠。刻下紳民團練。專用土著。取其有守望相助之誼。而土匪亦藉以招徠。不致為饑寒所迫。是自行團練。真堅壁清野之第一義。所以臣並飭徐海二屬。一體照辦。

至仗頭等名目。仗即器械。實乃富家。其為匪。另有頭人。俗稱老大。昔年頗有著名。如黃玉林等。犯嗣因臺次擊辦。黨羽解散。出沒無常。現無著名頭目。至糧船尚未回空。水手是否可用。容隨後與朱樹李湘紮商辦。再前接揚威將軍。臣奕經。函商隨營效力。已賞頂帶之甘泉。捕役頭目楊泳。熟悉梟匪情形。可否用為招致。臣因所見正同。即請飭令設法渡江。來揚聽用。

按察使銜署兩淮鹽運使但明倫奏。竊臣接奉河督臣麟慶行知。六月二十三日。奉

上諭。揚州為清江浦門戶。且為江北藩籬。必須將該處保住。江北

始獲安全。但明倫已賞加按察使銜。所有揚州府防堵事宜。著即責成。但明倫督辦。欽此。欽遵到臣。伏查逆夷屢擾海疆。大肆猖獗。神人共憤。覆轍難容。揚州為

國家財賦之區。該逆不無垂涎。守禦尤關緊要。臣前在常鎮道任內。勘得江陰鷲鼻嘴為天生要隘。稟請督臣添兵添礮。自夷船遊奕福山海口。窺伺長江。當飭委署淮南監掣同知陳廷恩等會同現經督臣奏留之福建泉州營遊擊馬辰。馳往查勘。購買大木鐵鍊鐵錐。並擬於丹徒屬之團山關一併堵截。一面將上年設局團練之鄉勇。督同府縣委員逐日操演。委員收買硝磺。製造火藥火箭。購覓大小

船隻裝載蘆柴桐油松香等物。豫備火攻。又以儀徵老河影地方為鹽梟聚集之區。人皆精壯强悍。憤涉風濤。其中不無技藝出眾之人。深慮被逆勾誘。轉為賊用。密飭署監掣同知陳廷恩設法招募。給以重賞。許以顯榮。統計先後招集三千餘人。分撥揚州儀徵防堵。復收集沿江划船。並諭商人包振興等。不惜重費。一律收羅。廣為設備。其城廂內外。及沿江洲地。亦曉諭居民。各分段落。自相保衛。所有庫存銀兩。亦先移貯河庫。詎截江料物。甫經運至三江口。夷船已駛進。驚鼻背園山關。直入金焦山。攻陷鎮江。占據瓜洲。封閉由關。搶奪三江營軍器。揚州相距咫尺。礮聲震

耳聞郡驚駭而存城守兵僅止百餘名。調到潛河兩標兵丁亦止一百五十名。各處土匪又乘間竊發。劫掠民財。城內錢鋪米鋪均已關閉。居民買食無資。人心益加洶懼。外敵當前。內患倏起。保此危城。心膽俱裂。因思攘外必先安內。派委委員帶領鄉勇分投彈壓。查拏擇其重者杖斃數人。一面委員設法四路買米賑濟窮黎。始覺稍安。夷船雖游奕不定。因沿江五十三洲俱經勸諭團練。濱江一帶蘆葦叢密。洲民互相守望。四路暗插旌旗。時隱時現。或多或少。每一鳴鑼。同聲吶喊。遠近相應。頃刻聲聞數十里。聚集數千人。該逆疑為伏兵。未敢遽犯。故處極危極險之際。尚

得盡力支持。至通江各口。均經用大船載土沈塞。或暗拋石塊。或鎖鍊大木。以阻其船。陸路亦已多掘陷坑。暗置地雷。防由旱道闖入。三汊河為揚州門戶。先經委弁帶領義勇防堵。現又將撤回調防上海之揚州營參將繼倫所帶兵丁。派令駐紮三汊河督防。其三江口。係揚州後路。原派河漕兩標兵丁。分段設伏。茲將現到狼山鎮兵丁。並秦州營兵丁。俱派赴仙女廟駐紮防守。仍俟徐州。山東。河南各路兵到。再行擇要分駐。自可益加嚴密。現在夷船陸續向西行駛。赴六合省城一帶。金焦山江面。尚有夷船八隻。不時游奕。並開放空礮。已督飭文武員弁。加意防範。臣以菲

材渥荷

天恩昇以重任。誓當竭力保守。以全江北數郡生靈。儻該逆竟敢直入內河。當飛稟河臣。啟壩洩水。膠滯其舟。一面飭令用豫備火攻船隻。縱火焚燒。務加痛剿。以快人心。惟揚州為商人納課行鹽之所。且係南漕經由要道。自該逆滋擾。商多逃避。鹽不能運。課不能完。轉瞬漕艘回空。亦難歸次。萬一相持日久。則兩淮四五百萬帑金。及

天庾正供。尤關

國家大計。不可不先事籌畫。應請

敕下督撫。並帶兵大臣。及早圖維。免誤大計。

諭軍機大臣等。麟慶奏調防兵丁。將次到齊。豫籌分撥。設局一摺。覽奏均悉。該逆出有偽示。擬由三江口入運河滋擾。顯係聲東擊西。鬼域伎倆。然不可不防。據稱揚州三汊河及三江口先經堵截。其餘各汊港亦皆沈船繫樹。夷船如敢竄入。究竟能否堵禦。尚須妥為籌畫。不可稍涉大意。運河東岸。緝隄平坦。尤應設法布置。該逆槍礮猛烈。若僅恃土壘以為蔽衛。未必確有把握。仍當相度地勢。另籌良法。務臻妥善。至啓壩洩水一節。原為膠滯逆船起見。若甫見一二小船遊奕。遽行啓壩。縱被膠滯。勒殺無多。實為不值。該河督等總當豫為籌畫。成竹在胸。儘能將逆夷大船設法誘入。然後啟壩洩水。俾聯踪淺擱。進退維艱。再用

火攻船筏。圍繞焚燒。定可成功。所謂山東兵丁。因本境防守緊要。難以調撥。已改調河南兵丁六百名。計日可到。本日又飛調陝甘兵一千名。諭令速赴清江。該河督等務即分別派撥。總以扼要得力為妥。其高郵寶應等處。若將兵丁分派一二百名。前往防禦。未免過形單薄。殊屬無益。至木筏業經繁就。所備共有若干。但乘流放下。務當運用有準。過早則無濟於事。稍遲又不得力。總要恰當。逆船屯泊之際。酌量水勢行走。遲速約計火藥。然著之時。適與逆船相值。乘勢火攻。必可制勝。更須嚴密防維。勿被漢奸乘間暗算。致有他虞。懷之。江北辦理防堵事宜。軍需設局以備支用。自不可少。惟現當籌畫經費之際。該河督受恩。

深重。必應加意搏節。務求事事覈實。勿任虛糜。所有應用各款。如能於河工項下。設法節省。以供支發。方免另行籌撥。其各廳捐製擡槍。及桐山縣知縣趙毓丹捐硝二萬八千斤。著麟慶即將該員等職名。開單咨部議敘。此外如有捐資出力。有裨軍務者。並著隨時奏請鼓勵。另片奏團練鄉勇。招致頭目等語。著仍飭屬隨時團練。以資防禦。甘泉捕役頭目楊泳。既熟悉梟匪情形。著准其招致驅遣。惟梟匪等情性無常。切須嚴防。勿為逆夷買用。反受其殃。當慎之又慎。又但明倫奏籌辦防堵情形一摺。俱悉。著隨同麟慶認真辦理。籌防事宜。其摺內所稱多掘陷坑。暗置地雷等語。尤應密為布置。方可於事有濟。所有揚州府地

方著但明倫妥為撫輯以安眾志而固疆圉將此諭知麟慶李
湘榮傳諭但明倫並諭令都勒豐阿順保知之

又

諭前經降旨著四川陝甘二省挑選精兵各一千名聽候調遣該
督等諒已遵旨挑選矣現在逆夷船隻闖入大江直逼江甯即
江北淮揚一帶亦形喫重著寶興即將所挑兵一千名派委得
力將弁管帶馳赴江甯交牛鑑調遣富呢揚阿陶廷杰即將所
挑兵一千名派委得力將弁管帶馳赴清江浦交麟慶調遣並
將應用器械揀選精良各自攜帶毋稍遲誤再前降諭旨令寶
興購買木料製造戰船以備水戰著即趕緊辦理所有船上應

用礮位亦著趕緊鑄造。並相度戰船形勢。妥為安置。候旨調用。至擡礮一項。陝甘鑄造。尚為精良。並著富呢揚阿等多為鑄造。以備調用。

安徽巡撫程桂林奏。竊臣於六月二十七日。奏明帶領臣標左右二營兵二百名。自省起程。於七月初二日。馳抵蕪湖縣。因南北兩岸形勢。臣躬親相度。方有成算在胸。即於次日。自蕪湖起身。勘得北岸之烏江鎮。濱臨大江。登陸十數里。即係和州城。為江北壽春門戶。其南岸之和尚港。為當塗屬境。沂流而達采石。實為水陸要衝。從前磯磧陡峙。江邊舊有礮臺一座。故最稱險絕之區。積年漲有金馬長

營宮錦各洲將江面截分內外。現在半浮水內不能屯紮
兵勇。夾江相距大江計程三十餘里。水勢較淺。夷匪大船
不能駛入。其火輪杉板仍可暢行。誠恐奸匪伺隙而來。亦須
屯兵駐守。過此四十餘里。則有東西梁山。臨江對峙。測量
口門亦止二百七十餘丈。兩岸用大礮夾擊。威震霹靂。騰自
足制夷死命。其東梁山左側又有四合山。為犄角之勢。聲
息相聯。又距西梁山半里許之陳家洲。浮出江心。宜設伏
以資要截。雖沮洳現難駐足。亦應設法布置。暗備火攻。此
自蕪湖至江甯交界兩岸之形勢也。正在調度間。承准軍
機大臣字寄。道光二十二年六月二十六日奉

上諭程桂林奏派兵防堵一摺著該撫酌量江路扼要之區相機用計設伏截擊等因欽此伏查南岸太平府北岸和州為江甯入境首站和尚港采石磯烏江鎮係太平和州藩籬均應設兵守禦本年現派游兵營游擊郭興阿帶兵五百名會同廬鳳道鄭家麟督同和州知州善貴防守烏江鎮兼護州城本年又派署廬州營都司古維藩帶兵三百五十名甯國營參將恩長帶兵二百五十名分駐和尚港及采石磯嚴防奸匪登岸潛入太平府城其餘兵勇二千餘名多駐東西梁山揀派將弁密諭以奇正間出疑誘兼施之法務在隨時相度機宜方能得手至沿江葦洲林立惟陳家洲一處地

勢可乘。臣先經購備漁船三百隻。分裝蘆柴十餘萬斤。並引火之物。每船雇募善於泅水二人。派徽州營參將經文春。帶領勇健四百名。前往安置。或俟賊船駛至。乘夜焚燒。或聞下游開仗。順流駛近賊船。因風縱火。激厲勇健水手。一齊截勒。並派潛山營遊擊阮開基。帶兵駐紮四合山。據險埋伏。為東西梁山後援。其螺磯在蕪湖縣對岸。臣可就近控制。毋庸專設防兵。論現在派防情形。各處險要。均已周密。惟總計兵勇僅止四千一百名。兵力究形單弱。又無巨礮衝鋒。臣前經奏明移咨兩湖督臣。及河南撫臣。各豫選精兵一千名。頃因防堵加嚴。合無仰懇

皇上天恩。敕下兩湖督臣裕泰。河南撫臣鄂順安。迅速各派精兵一千名。並帶大礮二十尊。火藥二萬斤。礮子五千斤。兼程來蕪。以便分撥要隘待勦。仍一面飛咨各屬。廣募勇健。隨營調用。並重價雇募善於泅水之船戶居民。鑿其船底。壞其槳柁。並於沿江汊港。豫設兵勇。誘令深入。併力攻擊。務使該逆進有所扼。退有所制。期於早靖妖氛。以冀仰副

皇上保人地方至意。

程琳采又奏。本月初四日。承准軍機大臣字寄。道光二十二年六月二十六日奉

上諭。杜受田奏。廣東生員張煥元防夷書內。有木礮火攻之議等

因欽此。臣查江上用兵。火攻最利。現值潮汛盛漲。水面遼闊。木筏必須多備。方能制敵死命。臣雖不知金鎖玉連環陣式。而木筏竹筏噴筒火船等類。俱為水戰所必須。前聞鎮江失守之時。節經諄飭藩司廣為購辦。無如逆夷前擾寶山。上海商販即聞風裹足。收存筏筏。亦甚寥寥。自夷船駛入長江。並商船亦皆避匿。臣仍遵

旨。飛飭藩司暨安徽道設法撙尋。如式改造。惟皖省既非產木之地。即撙求亦恐無多。若委員赴湖廣江西購備前來。仍慮緩不濟急。合無仰懇

皇上天恩。敕下兩湖江西各督撫。飭屬代購沙木。紮成木筏。委員

押解來皖。以便如式改造。或即由該省照依張煥元防禦書內開載木簰之法。大小各造三四十簰。由大江順流解皖。應用。

諭軍機大臣等。程楙采奏。馳抵蕪湖。酌量改派防堵一摺。布置尚為妥協。已由六百里諭令裕泰。迅將挑選精兵一千名。趕赴蕪湖應援。兼催令桂明。兼程前來。兵東西梁山。既可相對扼要。又有四合山。陳家洲。兩處倚角設伏。足資堵截。著即妥為布置。儘逆船駛入。痛加攻剿。庶該逆不敢汭流而上。所有大礮火藥礮子等件。亦飭令裕泰。迅速趕辦解皖。沿江葦洲林立。正可因地乘時。據稱已購備漁船三百隻。分裝蘆柴引火之物。並雇募善

於泗水之人。派參將經文泰帶領勇健四百名。前往安置。所辦甚好。惟此事切須密之。又密方不為該逆暗算。總當將船暗藏洲內。覷定逆船屯泊之處。或乘黑夜將小船前後左右圍繞焚燒。復埋伏精兵。以為接應。庶可令該逆無所逃命。聚而殲旃。若逆船尚未駛近。倉皇將火藥虛放。及至攏近。反不得力。或離逆船尚遠。彼已窺見設伏。有所準備。徒將數百隻火攻之具。盡付虛擲。殊覺可惜。且恐一失機會。更難著手。該撫務宜籌畫盡善。使該逆進有所扼。退有所制。激勵將士。成此大功。佇膺懋賞。朕所望也。另片奏需用木筏等語。已飭裕泰趕緊購買沙木紮成木筏。委員押解赴皖。並諭令於前調之兵一千名外。再備數百。

名。並軍械派員管帶。隨後接應。其所調河南之兵。已有旨飭赴淮揚一帶防堵矣。

又

諭前經降旨著裕泰豫備精兵一千名。以備安徽防堵江路之用。該督接奉後。諒已酌量挑備。現在逆船直達江甯。程楸采帶兵赴援。駐紮蕪湖。著裕泰即將前項兵丁。派委得力將弁。迅速管帶。馳赴蕪湖。交程楸采調遣。並帶大礮二十尊。火藥二萬斤。礮子五千斤。均交程楸采備用。並於此項官兵。再備兵數百名。及軍械船隻。以資後路接應。再前有旨令裕泰於湖廣購辦木料。製造戰船。並雇備鹽船。挑選水摸。探明逆船所在。派員駕往攻

勦諒已遵旨趕辦。現據程楙采奏需用沙木紫葶。以備火攻。著該督速購沙木。紫成數十萬。派委幹員。解往蕪湖。俾資應用。至該逆闖入長江。勢更猖獗。咽喉要地。豈容逆賊逗留。為今之計。非與水戰。不能驅出長江。所有大船木筏。必須多備。湖廣素饒材木。該督務即飭屬廣為購買。以濟軍實。儻能乘風縱火。迅掃鯨鯢。懋建殊勳。佇膺上賞。朕惟裕泰是望。奮勉為之。至前有旨。令四川總兵桂明。前赴安徽。隨同程楙采辦理防堵事務。並著裕泰飛咨四川。並湖北。入川沿邊地方。催令星馳。前赴蕪湖。毋稍稽緩。

戊午。山東道御史黃宗漢奏。竊惟逆夷侵犯海疆。內地奸

究為之導也。查拏漢奸。實防夷之急務。而辦理不善。漢奸未獲。良民受害。其貽誤有不可言者。即如鎮江城陷。物議沸騰。僉謂逆夷甫到江口。尚未攻撲府城。前任副都統海齡。因查拏漢奸。誤殺良民。至不計其數。以致人心不服。譁然而起。將海齡圍住。海齡因縱兵開礮。轟擊百姓。百姓復與駐防官兵為讎。逆夷聞內變交作。即乘勢直入府城。官兵士民。各自逃走。統兵大臣等倉皇莫措。是鎮江失守。非抵禦不力。乃民心先潰散也。至海齡之死。竟有謂被民戕害者。臣初得諸風聞。未敢遽信。數日以來。物議滋起。幾於眾口一辭。因思海齡既死。人復何讎。果係城陷殉難一家。

盡節。其情形深堪憫惻。平日即辦理不善。亦可稍贖前愆。其視臨陣逃走。事後捏報遇救得生者。殊屬有間。公道自在人心。言之者不應如此痛恨。且前此陣亡殉難。總督如裕謙。提督如陳化成。副都統如長喜。以及總兵以下大小員弁。既死之後。未有不曲為原諒者。何獨於海齡情事。追咎不已。人言恐非無因。江南地方。正當防堵喫緊之際。誠如人言。釀成事變。誤國病民者。倖邀卹典。建立專祠。流離失所之民。至今尚懷怨望。復何以作其同仇敵愾之氣乎。此中關係乎海齡一身之節義者。猶小。關係乎天下民心之好惡者。甚大。既有所聞。不敢不據實具奏。請

旨飭下督撫大吏。明查暗訪。確切根究。當時逆夷未經攻撲府城之先。海齡有無誤殺良民如此之多。儻所殺者實係奸宄。並非戕害無辜。激成潰散。則海齡之死。不因人言而掩其忠義之氣。身後卹典。乃得以長垂不朽。如所殺者實係良民。則民心潰散。府城失守。海齡實為厲階。死後尚有餘辜。豈得倖邀卹典。建立專祠。如此確切查明。據實具奏。俾薄海士民。益曉然於民生之疾苦。動聞

宵旰之憂勤。凡地方官辦理不善。該大臣奏報不實之處。各在聖明洞鑒之中。斯

朝廷議功議卹之典。務協乎公。是公非之心。不特生者不得

冒昧圖功。卽死者亦不能僥倖議卹。庶苟免之徒。益知警惕。忠良之氣。更加奮興。物議由是胥平。民心因而永固矣。

諭軍機大臣等。前因鎮江失守。副都統海齡自縊殉難。念其為國捐軀。特加優卹。茲有人奏。逆夷甫到江口。尚未攻撲府城。因海齡查拏漢奸。誤殺良民。不計其數。以致人心不服。將該副都統圍住。海齡因縱兵開礮轟擊。逆夷探聞內變。乘勢直入府城。海齡之死。關係被民戕害等語。查拏漢奸。本係守城要務。若因此多殺無辜。激成內變。則其死殊不足惜。惟奸民乘亂洩忿。戕官縱賊。實屬罪大惡極。縱不能悉數誅夷。必應將為首數人。立伸國法。著將原摺鈔給程高采閱看。畢竟鎮江若何失守。海齡是

否被戕。確切查明。據實具奏。不得因海齡已死。代為彌縫。亦不可因亂民較多。意存消弭。

欽差大臣耆英。乍浦副都統伊里布。兩江總督牛鑑奏。竊嘆夷大小各船八十餘隻。陸續駛入草鞋峽江面。寄碇。臣牛鑑當將欽奉

恩旨。允准通商之處。專弁前往告知。臣伊里布於本月初三日。馳抵省城。寄與照會。開導各情。具奏在案。嗣該逆酋曼次覆文。總稱臣耆英。臣伊里布。無權不能作主。雖經具文曉諭。堅不醒悟。詎於初五日。忽向臣牛鑑差往之弁張攀龍。聲稱初六日。欲行開仗。該弁向其索取回文。亦不給發。當即

馳回稟報。維時已過夜分。臣等焦灼異常。且慮城中聞此消息。人心定必惶惑。更恐城池不能保全。遂公同籌商。總以江甯省會先保無虞。方為至要。當揀派太倉州知州徐家槐。外委陳志剛。及張禧。持臣等照會諭以

欽差大臣者。將軍日內必到。並推誠布公。復加開導。於初六日天色未明時。令其一同前往。該員弁馳至江邊。已見該逆各船張掛紅旗。並車皆駕礮。人盡執槍。紛紛上岸。排列陣式。候時前進。該員弁當將照會付給逆酋等閱看。並反覆為之陳說。先尚游疑。後見眾夷目公商良久。始鳴礮傳令。但見各夷船紅旗撒落。岸上夷兵次序回船。逆酋鳴囉噠等。

向告我們啖咭喇國。喫飯養家。藉與中國通商。豈敢無故得罪中國。今連年兵戰。實出萬不得已。現象

大皇帝准與通商。並有大臣可以作主。我們啖咭喇亦屬情願聽候商議。並令各船一色換掛藍旗。仍給該員弁等回文。文理全不通順。其大意則為罷兵和好之事。

皇帝既有降

諭。特派大臣

畀以全權。允照所討辦理。眾首眾夷。既得商利。且可回國。實所欣願。是該逆稱兵不息。雖尊重通商。牟利其中。之陰錯陽差。在所不免。是日差去之員弁等旋省。始悉省城大局危而

復安。資皆仰承。

諭旨。暫事羈縻。之所致。闔城紳商士庶。莫不欽感同深。臣耆英會同齊慎。將後路應行防守之處。妥為布置。後即行起程。於初六日。已刻馳抵省垣。隨公同熟商。如果該逆回心嚮化。就我範圍。自可與議通商。善定大局。然臣等體察情形。該逆外神所見。知奉山奉水者。逆夷驕橫之性。已成。貪婪之心。無厭。要求之事。斷不能任其需索滿慾。臣等惟有竭盡心力。設法辦理。務求上持國體。下順夷情。通盤籌算。以為永絕禍根之計。再江甯省城儀鳳門。最關緊要。去江面只有二三里之遙。此次該夷大幫船隻。均在該處一帶停泊。城門以內。左右均係重岡疊

嶺天然險要。提臣劉允孝鎮。臣王志元帶兵防守。並旗綠各營兵丁。共有二千六七百名。又江西總兵李鑄所帶之兵一千名。在漢西水西兩門一帶防守。並旗綠各營兵丁。

足資堵禦。臣牛鑑前已奏明在案。茲浙江撥解之大礮四

十尊。蘇州撥解之大礮十五尊。擡礮鳥槍數百桿。業已到

齊。並臣牛鑑所調之在蘇防守河南兵丁九百數十餘名。

亦陸續到省。當即分派兵丁三百餘名。於漢西太平兩門

防範。以厚兵力。其餘兵丁五百餘名。飭令游擊陳平川管

帶。在於儀鳳門內之鼓樓老菜市兩處屯紮。查該兩處地方空闊。居民鮮少。樹木叢雜。為往來行人必由要路。諄飭

該游擊於各要口埋伏兵丁。安設大礮。萬一賊若爬城而入。前後夾擊。竟可聚而殲旃。除由臣牛鑑會同將軍德珠布提督劉允孝激勵將士。誓死據守。晝夜倍加小心嚴防。以期保守城池。斷不敢因現在議撫。稍存大意。臣等先行差遣佐領塔芬布。同張禧馳往面見夷目。看其如何措詞。再行次第派委職分較大之員。前往籌商。以昭周妥。

硃批。目前固屬緊急。後慮尤當詳慎。勿墮奸計為要。慎勉為之。著英又奏。此次派員前往夷船議事。必得熟悉夷情之人。以期有濟。今鄂等公同酌商。不得不飭令張禧暫帶軍功頂帶。差往面議一切。俾夷人不致輕視。至該逆狡詐異常。

辦理大不易易。如果將來議有成說。等自應會同面見
該夷酋。以定大局。等者英惟存仰懇

皇上天恩。俯准等伊里布。屆期暫帶頭品頂銜。庶足以啟夷人之
敬。而堅夷人之信。

諭軍機大臣等。著英等奏英船大幫聚集江面。現擬設法羈縻一
措。據奏逆船大小八十餘隻。駛入江面。聲言初六日開仗。經牛
鑑等派令徐家槐。陳志剛。張禧發給照會。向其開導。該夷目公
商良久。嗚礮傳令。夷兵次第回船等語。覽奏已悉。現在事勢緊
急。該酋既有不敢得罪中國。情願聽候商議之語。著英已抵省
垣。著與伊里布。牛鑑。公同熟商。如果能就我範圍。即可籌定大

局一切不為遲制。前降諭旨甚明。惟據奏驕橫之性已成。貪婪之心無厭。所見甚是。必須通盤籌算。永絕禍根。慎毋狃於救急之策。仍墮奸謀。致貽後患。據奏南城儀鳳門最關緊要。現在兵礮漸集。著俟佐領塔芬布等回報後。如情詞恭順。再遣職分較大之員。速行定議。儻竟桀驁不馴。難以理論。現在兵力已集。地險可守。全在該大臣等激勵將士。或竟出奇制勝。懋建殊勳。該大臣等之功甚偉也。另片奏議有成。說該大臣等面見該首定局等語。逆夷狡譎異常。該大臣等不值以身試驗。朕意總以不見面為是。儻議有成言。大局全定。自當昭示大信。消其疑慮。但必俟該夷兵船全數退出。酌定適中地方。約令夷目前來。該大

臣等方與面見。切勿輕上夷船。致有意外之變。所請伊里布暫帶頭品頂翎及張禧暫戴軍功頂帶之處。均准如所請行。

耆英伊里布半鑲。又奏竊臣等於本月初八日將辦理夷務情形會摺馳奏。先於初七日據該夷將請求各款開列清單。交委員塔芬布等攜回。臣等公同閱看。一係索討洋錢二千一百萬圓。本年先交六百萬圓。其餘分年帶交。一係索討香港作為馬頭。並求准往廣州福州廈門甯波上海等處貿易。一係與中國官員用平行禮。其餘雖尚有請求。大抵不出三款之外。並據堅稱。若能如其所請。即當永訂和好。不敢再啓兵端。不如所請。即行開仗。並往別省滋擾。

等語。臣等正在會同酌議。擬即明晰照覆。詎料初八日戌刻。該夷因聞訛傳。有調壽春兵來省防勦之信。忽換紅旗。並於鍾山之上。安設大礮。聲稱定於次早開礮攻城。勢甚猖獗。臣等查江甯省城。雖已派撥弁兵分段防守。惟周圍五十餘里。兵力不敷。且所調江西湖北徐州各官兵。均曾經挫衄。士氣不揚。未敢恃以為固。况鍾山逼近省會。該夷登高臨下。一經轟擊。勢必不支。兼之民風柔懦。一聞此信。均各驚慌。即有男婦數萬人。赴臣等各衙門。遮道號呼。籲求救命。臣等查該夷自犯順以來。由粵入閩。歷浙入江。屢

經

命將出師。總未能挫其兇鋒。近復大集醜類。兵船多至八十餘隻。輒敢攻陷京口。橫據長江。斷我南北衝要。茲復連檣並進。直逼金陵。以致危在旦夕。臣等目覩萬分緊急情形。若再事固執。萬一危城莫保。臣等死不足惜。所慮三省根本。一有搖動。不惟京口梗塞不通。即安徽。江西。湖北。各省會該夷均可揚帆直達。並據江都縣彭以空探報。該夷有戰若不勝。即遣漢奸偷窺高堰等情。如果屬實。禍患尤不可問。臣等伏思該夷所請各條。雖係貪利無厭。而其意不過求賞馬頭。貿易通商而止。尚非潛蓄異謀。與其兵連禍結。流毒愈深。不若姑允所請。以保江南大局。現已照會該夷。申

以盟誓。如果悔禍。戰兵。卽照所議各條。速為商定。一面奏明乞。

恩。儻犬羊之性。仍不馴伏。臣等惟有激勵將士。嬰城固守。成敗利鈍。非所逆觀。惟念臣等均荷。

聖恩。畀以重任。不能宣威殄寇。又復膽大擅專。罪難擢數。應請旨將臣等一併從重治罪。

諭軍機大臣等。者英等奏形勢萬分危急。姑允所請一摺。前有旨諭知者英等便宜從事。不為遙制。原為保全民命起見。茲據奏稱該夷將請求各款。開單索討。並因傳有調兵防勦之信。又復換旗安礮。江南民風柔懦。男婦數萬。號呼籲救。已據該大臣等。

允其所請等語。覽奏不勝憤恨。繼念江南數百萬生靈。一經開仗。安危難保。既經該大臣等權宜應允。朕亦祇可以民命為重。惟所稱本年先交洋錢六百萬圓。從何措給。香港准其賞借。廈門。寧波。上海等處。亦可准其貿易。但祇許來往通商。不准久住。據為巢穴。其福州一處。內地係屬陸路。且山徑叢雜。商旅不便。閩省既有廈門通市。自不得復求福州。著耆英等再行商酌。將福州一處撤去。即萬不得已。或於閩省泉州附近。酌與通商。均著妥行定議。惟該夷既稱能如所請。不敢再啓兵端。現在業經俯允。該夷如何退出長江。各省夷船如何遣散回國。該大臣等必當切實議定。永杜兵萌。不可稍涉含糊。徒顧目前。仍成不了。

之局。所請從重治罪之處。著毋庸議。

辛酉。

諭軍機大臣等。沿海向備戰船。原以為巡哨禦侮之需。近來各省多半廢弛。不能適用。是以海氛不靖。禦寇無資。廣東為沿海首要之區。必應先行整頓。前經降旨諭令該省製造大號戰船。自必早為籌畫。妥密辦理。惟此項戰船。無論大小。總以堅固通用為主。並能於中間安設礮位。若僅依向來水師戰船修造。仍屬有名無實。著該將軍等極力講求。雇覓工匠。迅將各項大小戰船趕緊製造。其式樣如何。著先行繪圖貼說。馳奏呈覽。如木料不能堅實。製造不能如法。將來經朕派員查出。惟奕山等是問。

僕一時不克湊集。如有可購買之處。著先行設法購買。再聞推升遊擊李致和。現在廣東當差。即選知縣馬永熾。亦在廣東帶勇。該二員習知修築礮臺。訓練藤牌等事。著祁埴飭令該二員。批帶藤牌手三四名。酌帶藤牌數十面。來京聽用。並著文豐辦理堅厚竹盔一百頂。解交內務府造辦處。毋稍遲誤。將此諭知奕山。祁埴。梁寶常。吳建勳。並傳諭文豐知之。

山西道御史安詩奏。臣恭閱邸鈔。七月初三日。奉

上諭。中繼奏上海文武官員下落等語。上海縣典史楊慶恩捐軀殉節。情殊可憫。該部照例賜卹。餘仍著該督查明確實具奏。欽

此仰見

聖明洞燭。無微不至。在督臣身膺重寄。具有天良。何至代為諱飾。惟所憑者委員之查訪。則難保無不實不盡之處。此次失事。大員如提督。小員如典史。皆經殉節。昭昭在人耳目。而其餘各員。弁尚未查明者。職此之故。臣聞徐州鎮王志元。調防吳淞。兵號七百。實則五百。給發兵糧。每名扣制錢四文。兵不為用。騷擾尤甚。督臣將數兵插箭。令守小沙背。當提臣在礮臺擊壞。噴逆兵船之際。漸欲退出小沙背。忽放信礮。該鎮先走。逆夷即擁至。從此登岸。幫辦寶山縣周沐潤。縣令周恭壽俱走嘉定。為五月初八日事。初十日上海典史楊慶恩通稟。巫道員與縣令劉光斗。於初九日不知去。

向鄉民毀道署縣署及漕總房屋。遷徙一空。劉令旋為鄉民所得。欲甘心焉。右營游擊封某諭之始散。而武弁某竟有行刺該游擊之事。以其不肯走也。武弁某送信至吳淞。逆夷遂於十一日入上海城。洪口礮臺已無一兵。楊典史殉節於黃浦。臣所聞如是。至該游擊係何名。既曾為劉令諭散鄉民。可即問之。劉令武弁某係何營之弁。既曾行刺該游擊。可即令該游擊指出其人。相應請

旨密飭嚴查。毋得稍有迴護。庶文武員弁各知儆戒。辦理堵剿事宜。不至再蹈覆轍。則逆夷不足平也。總之近時結習。媮為一切無事。則玩忽縱恣。有事則僥倖苟免。官不卹民。民不

附官將不卹兵。兵不附將。兵民既非一體。何以眾志成城。甚至兵不勦寇而勦民。民不畏寇而畏兵。逆夷更聲言。祇與弁兵為仇。不與鄉民為難。鄉民受官兵之騷擾。而土匪乘之潰逃之後。益肆淫掠。以致不顧身家。圖洩私忿。

國家設立文武員弁。為何而任。令衛民者。轉而害民。豈不知民惟邦本乎。故必大加懲創。然後可力挽頹風。民志既伸。民心自固。作忠義之氣。杜奸宄之萌。必能家自為戰。人自為守。凡吾赤子。皆干城也。語云。感應之機。捷於桴鼓。其收效固在旦夕間。臣籍隸海濱。蒿目時艱。例許風聞言事。用敢覲縷上陳。

諭軍機大臣等。前因鎮江失守。經耆英等奏報。副都統海齡自縊殉難。念其為國捐軀。特加優卹。昨有人奏。逆夷甫到江口。尚未攻撲府城。因海齡查拏漢奸。誤殺良民。不計其數。以致人心不服。將該副都統圍住。海齡縱兵開礮轟擊。逆夷探聞內變。乘勢直入府城。海齡之死。聞係被民人戕害等語。又有人奏。上海失事時。徐州鎮總兵王志元添報兵數。剋扣兵糧。以致兵不為用。該鎮先走。寶山縣知縣周恭壽。甯縣知縣周沐瀾。於五月初八日。俱走嘉定。上海道巫宜禔。知縣劉光斗。於初九日。不知去向。該縣被民拏住。經游擊封某諭散。又有武弁某欲刺該游擊之事等語。所奏鎮江上海失守情形。與耆英牛鑑程喬采所奏均

不相符。想該大臣等倉猝之際。或憑屬員稟報。或據傳聞入奏。豈能詳細確查。以致彼此參差。不能畫一。著將二摺鈔給耆英等閱看。究竟鎮江如何失守。海齡是否被戕。寶山上海各員如何逃走。儘實在情形。有與原奏不符之處。准其再加察訪。詳晰聲明。萬勿迴護前奏。扶同掩飾。反蹈欺罔。是為至要。

靖逆將軍奕山兩廣總督祁壇廣東巡撫梁寶常奏承准軍機大臣字寄。道光二十二年五月二十四日奉

上諭。有人奏逆夷擄掠貨財。載回廣東香港裙帶路收貯等因。欽此。又於六月初一日奉

上諭。逆夷於香港裙帶地方建造樓房等因。欽此。伏查該逆自上

年二月。占據香港之後。即於毗連之裙帶路。修築石路。搭蓋蓬寮。復於該處上灣中灣下灣地方。隨時修建營盤。兵房鬼樓馬頭蓬寮等工。亦間有拆毀。並有時被火焚燒。復修者。又於裙帶路燈籠洲兩處。修築礮臺。安設銅鐵大礮。派有夷目。帶領夷兵駐守。均經疊次奏明在案。其住居香港偽知縣名堅。又有贊嘸。即贊遜。訛哩嘒。即乜哩時。均係夷商。現聞逆夷令充兵頭。嗎嚕噠。即馬履遜。啡喻。即匪倫。俱係該逆夷頭目。能通曉漢字漢語。並非幕客。嗎嚕噠父子同名。其父死之後。現在之嗎嚕噠名字之上。添一秧字。緣夷人謂小為秧。故名秧嗎嚕噠。上年冬間。曾有貿易商

船在九洲九龍及大峙古佛堂門各洋面經過被該逆將商船拉往香港二十七隻據船戶郭開明等來省控告有案本年正月內該夷日吓嘆謝即喫噪喳與嗎哩噠赴澳門商議恐結怨於商民查所拉商船除變賣贖回外仍存十一隻即將該船盡行釋放以後並無續拉船隻及納獻陋規情事至香港漢奸其著名頭目盧亞景即盧景又有鄧亞蘇何亞蘇石玉勝等為之勾引煽惑立有聯義堂忠心堂各名目均在香港約計十餘處曾經等等於上年招回石玉勝黎進福等一千餘人妥為安置奏明在案因盧亞景一名尤為首惡設法招致當即密派眼線給以翎頂

盧亞景旋亦允許願為內應。相機舉事。此逆夷占據香港。漢奸各立名目之情形也。等竊思助逆之漢奸既有姓名堂名。原不難按名緝拏。無如該漢奸盤踞香港。逆夷為之包庇。查拏愈緊。則趨赴香港者愈多。是以出示招致。如有洗心革面。反正來歸者。概赦不問。果能殺賊立功。更當格外加賞。儻竟怙惡勿悛。一經拏獲。罪在不赦。如此剴切曉諭。既足間其黨與。且可收為我用。現又購線招得朱泗水一名。係逆夷嘖嘖之幕客。亦願悔罪立功。等訪聞朱泗水與盧亞景。各分黨與。勢不兩立。現在香港漢奸漸已陸續聚眾互鬪。夷人亦不能相安。近日復有東莞新安等

縣紳士來省呈請團練義勇。捍衛鄉閭。聽候調遣。等語。悉心訪查。從前並無新安士民。因見有通商告示。不敢報復之事。亦無漢奸替逆夷搶掠鄉村之事。惟在省紳民紛紛獻策。欲圖殺賊。但人類不齊。未必盡屬可靠。而所謀又無通盤籌畫者。果有謀勇出眾之材。激於義憤。及各漢奸中實心歸正。可用反間者。等語。自當隨時相機妥辦。今其乘間勦製。既不致貽誤機宜。亦不致鹵莽債事。至現在逆船情形。自上次奏報之後。續來粵洋住泊者。又有十六十七號火輪船二隻。其在外洋瞭望。由西南駛往東北洋夷船計四隻。由東北洋駛往西南洋夷船計四隻。昨據各該營縣

報稱本月十三日。突有三桅中巡船一隻。兩桅小巡船二隻。駛進沙角海口。當令引水詰問。據稱係查看各國貨船。在虎門以內。共有幾號。又稱聽聞現修虎門礮臺。故來看望等語。該逆駛進橫檔。往來游奕。於十八日仍復駛回尖沙嘴三角。各洋面分泊。另有八號十六號火輪船二隻。亦於十四日。駛至距城四十里之黃埔游奕。李等隨傳諭各礮臺。如逆船竟敢駛至石壩窺探。即行開礮轟擊。該逆船亦即於十五日駛回香港。逆夷種種詭譎情形。可恨之至。李等惟有簡練兵勇。嚴密防範。仰紓。

宸廑。再聞逆夷由浙江駛回船隻。內裝載銅錢。散作夷兵食用。不

知確數。又聞駛回各船內。裝載傷斃及病斃夷人屍首不
少。或謂有千餘具。或謂有四百餘具。並聞刻下香港漢奸
多已不敢受雇赴浙矣。

諭軍機大臣等。奕山等奏查明漢奸名目。並現在籌辦情形一摺。
據奏逆夷盤踞香港。尚無勒獻陋規等事。漢奸盧亞景。朱泗水。
各分黨與。漸有聚眾互闖之事。東莞新安紳士。現在團練義勇。
聽候調遣等語。覽奏均悉。招致漢奸。令其反正。亦解散之一法。
現既訪有分黨互闖情事。正可乘機設法誘餌。俾逆夷漢奸互
相搆貳。著奕山等酌量情形。妥為籌辦。既不可有誤機宜。亦不
可函莽債事。至虎門礮臺。亟應修復。如該逆前來阻截。當告以

修築礮臺。乃天朝防海舊制。並非因捍禦該夷而設。所奏逆船駛進沙角海口。近城游奕等情。仍著嚴密防範。無稍疏懈。

壬戌。大理寺少卿金應麟奏。竊維逆夷猖獗。皆由水兵選懦無人。以致失事。伏思該夷所恃者舟。前歲粵東由咪喇啞購得一舟。拆而視之。木甚堅硬。用牛皮裹包五層。加以銅皮鐵皮。又各包五六層。其厚約有尺餘。方到木質。是以礮子雖巨。難於擊碎。而桅木極堅。頂容多人。可以施礮。頗能及遠。以此人多畏之。臣以為此乃中國之緒餘耳。昔隋之攻陳。製為拍竿。高五十尺。敵舟近之。無不立碎。夷人特稍變其法。而牛革蒙船。亦參用藤腫之法。無足異也。夫籌

議南省多以四川為根本。川中木賤兵強。較之湖廣更為得力。今請川造川舟。楚造楚舟。以運米為名。豫為之計。即使該夷潛遁。亦防江之要策。閩粵等省。亦以弭盜為由。各造船隻。以資救應。其造舟之法。應參用彼法。而增損之。大足勝小。弱不敵堅。或改或造。悉由所便。如子母舟一項。前長二丈。後長一丈五尺。共三丈五尺。兩邊有板。腹內空虛。後藏小舟。通連一處。母船艙內盡貯油礮。艙前兩腋各有釘鈎。敵人迎拒。即鈎其舟。艙內縱火。與彼俱焚。伏兵潛匿。開子船歸。此宜備也。如聯環舟一項。分為兩舟。各三之一。中聯以環。前載大礮。奉火神煙。舟首壯麗。有倒鬚鈎。後截

之旁。備有數槳。兵士逢賊。釘住其舟。順風縱火。無往不利。前環既解。後舟即回。此宜備也。如樓船一項。船上建樓。共有三重。各列女牆。可置旗幟。弩窗牙穴。礮車。礮車。無一不備。安礮之地。櫓石。鐵汁。形如小壘。奔馳車馬。亦所甚便。儻逢暴風。安礮勿出。此宜備也。如走舸一項。船舷之上。列以女牆。所用棹夫。皆係精卒。輕如飛鷗。往來甚速。乘人不及。即襲其舟。後多備金鼓。用以號令。此宜備也。如關艦一項。百二十步。受二千人。以木為城。橈櫓四間。上可馳馬。首畫怪獸。以懼江神。女牆之式。可蔽半身。又各建棚。與女牆齊。後列重牆。亦置戰士。上無覆背。左右金鼓。排立水次。用以

爭戰。此宜備也。如海鷗一項。頭低尾高。前大後小。如鷗之形。舷上左右。置有浮板。如鷗有翅。用助其船。即逢風濤。亦不傾側。覆背左右。蒙以牛皮。牙旗金鼓。悉如常法。此宜備也。如游艇一項。並無女牆。舷上設槳。大小長短。各隨其便。或用車輪。激水轉。挽回軍轉陣。其疾如風。測候用之。利有攸往。此宜備也。如蒙衝一項。用生牛革。蒙船首背。加以銅片。開掣掉空。矢石難攻。弩窗矛穴。近敵施之。船不必大。務在捷速。乘人不防。截其歸路。此宜備也。如三層船一項。竹木為包。以避矢石。銃眼箭窗。以之擊賊。凡上下中。分為三層。首尾暗艙。以通上下。中層之內。刀板釘板。旁設飛槳。來

往甚速。遇賊詐敗。棄而與之。精兵伏下。待賊登舟。機關一轉。賊翻中層。一蓬刀釘。無不皆倒。此宜備也。如兩頭船一項。縛之可轉。兩頭製舵。隨風可行。外蒙牛皮。內藏火礮。用以設伏。敵所深畏。此宜備也。如悶頭釘船。一項。狀如板片。並無旁牆。中桅尾舵。人在船底。舵工在上。亦多掩蔽。水拍船上。不能沈沒。其行甚速。北人習之。此宜備也。如皮船一項。生馬牛皮。竹木緣之。狀如箱形。燥之以火。浮於水上。一船二人。以竿擊木。相助而行。此宜備也。凡此制度。變而通之。推而廣之。各因其宜。各盡其用。川廣之船。足以制江閩粵之船。可以防海。此有備無患之策也。至於攻取之法。先

察風色。夷礮在旁者多。我師止攻頭尾。如夷船頭南尾北。有北風則攻尾。有南風則攻頭。若頭東尾西。亦以東風攻頭。西風攻尾。既占上風。又避礮火。而駛近夷船頭尾。我船又須斜向。船頭撲攔。船尾擺開。方可多聚船隻。火器亦不致誤擲。如夷船頭東尾西。我船乘西風攻尾。則近左者船頭應向東南。其右者船頭應向東北。悉用斜勢。則礮火不致打入已舟。餘可類推。要在舵工轉舵之巧。純者加賞數倍。悞者戮及身家。此不可不先習也。次察潮勢。潮順則得勝。潮回則善避。我軍得勢。斜擊逆船首尾。大約以四角分計。每角拖船不過容四隻。其大者不過容三隻。即四角合

攻亦不過用十二隻。至十六隻。攻擊夷船一隻。無不立燬。此外多船。亦可分擊他船。不必聚於一處。致多凌亂。夷船喫水二丈之外。我船不過數尺。自遠處繞轉。必能占其上風。如攻頭則必先打其頭鼻。攻尾則必先打其後艙。後艙有玻璃者。夷目所居。火藥在焉。破則火藥自發。舵乃生銅所包。礮打則斷。舵斷鼻折。則全船皆無主宰。而拉蓬之水手。多在首尾。擊之入海。其船亦危。此不可不先習也。繼用燒法。瓜艇五十。上裝乾草油火。配以火藥。十分之二。細以草繩。蓋以葵席。繫以鐵鍊。冠以大釘。末極銳利。洵者數人。半身在水。挨槳而行。船身甚低。夷之礮火。所不能及。一經

靠攏釘其木上。以火然之。無有不毀。我船桅上再拋火罐。擇用二人。頭戴竹盔。胸遮藤牌。繫繩於背。腰帶雙刀。備有火繩。一人頭挽。一人二棍。其上之度。頗與蓬齊。其下每棍又有二人。拉以滑車。豫備火罐。運拉而上。桅頂之人。隨時點放。用之不竭。船頭噴筒。亦照此用。我師過船。定可大勝。此不可不習也。其餘避虛擊實之法。夷船長大。喫水甚多。船牆出水。不過二三尺。上甚空虛。鎗礮攻之。每至落空。專攻船牆。以低為率。萬無所逃。逼近逆船。必有毒煙。甘草紅糖。含之立解。夷船攔淺。須用交帆。以我帆檣。交亂其帆。鉤篙力挽。彼不能出。石擊船首。亦所甚畏。此又不可不習也。

夫逆夷自嘉慶年間進貢之時。言語傲慢。到處繪圖。具包藏禍心。已非一日。有釐因叛。無釐亦叛。今則犬羊之性。更甚於前。暫事羈縻。詎能久遠。卧薪嘗膽。肝食無休。桑榆東隅。收功未晚。寬以歲月。持以實心。無惜重貲。無拘文法。蕞爾夷人。有不足乎者矣。

諭軍機大臣等。前因海疆防禦。首重戰船。降旨飭令粵省酌籌製造。並將方熊飛原呈鈔給閱看。茲復據金應麟奏請飭多備船隻。其造船之法。如子母舟。連環舟。及樓船。走舸。闊鑿。深鵠。游艇。蒙衝。並三層船。兩頭船。悶頭釘船。皮船等項。式樣不一。著奕山等悉心體訪。查明該少卿摺內所奏各船。究以何項船隻最為

得。加。即。購。備。堅。實。木。料。趕。緊。製。造。並。將。擬。造。船。式。繪。畫。貼。說。具。
奏。具。該。省。洋。商。內。如。有。深。悉。造。船。之。法。及。力。能。設。法。購。買。美。船。
者。並。著。文。豐。留。心。訪。察。加。以。激。勸。原。摺。著。鈔。給。閱。看。將。此。諭。知。
奕。山。祁。璜。梁。寶。常。吳。建。勳。並。傳。諭。文。豐。知。之。